



Dekan

Tel: + 387 33 44 32 69

Fax: + 387 33 44 33 95

e-mail: dentalschool@sf.unsa.ba

Adresa: Bolnička 4a, Sarajevo 71000,

Bosna i Hercegovina

Dean's Office

Dean's Tel.: + 387 33 44 32 69

Fax: + 387 33 44 33 95

e-mail: dentalschool@sf.unsa.ba

Address: Bolnička 4a, Sarajevo 71000

Bosnia & Herzegovina

UPUTSTVO ZA PACIJENTE I RODITELJE/STARATELJE ZA OBAVLJANJE STOMATOLOŠKOG TRETMANA U OPŠTOJ ANESTEZIJI

Svi pacijenti prije dolaska na tretman sanacije zuba u opštoj anesteziji moraju imati sljedeće nalaze:

1. Krvna slika – hemogram
2. ŠUK
3. Urea
4. Minerali
5. Transaminaze
6. Urin
7. APTT, PV, INR, broj TR, VK
8. EKG
9. Ortopan ili 3DCBCT
10. Krvna grupa

Na osnovu ovih nalaza, kao i na osnovu anamneze i detaljnog fizikalnog pregleda, **ljekar koji vodi osnovno oboljenje (pedijatar, kardiolog, internista)** daje **mišljenje** da li se stomatološka intervencija može obaviti pod opštom anestezijom ili je potrebna dodatna priprema. Saglasnost mora biti u pisanoj formi, ovjerena faksimilom. Obavezno, u sklopu mišljenja mora pisati **dijagnoza osnovne bolesti**.

Sa navedenim nalazima i mišljenjem ljekara, roditelj/staratelj djeteta odlazi na 7.sprat centralnog medicinskog bloka Klinika za anesteziju UKCS, gdje dežurni anesteziolog na osnovu nalaza i pregleda pacijenta daje **definitivnu saglasnost za zahvat u opštoj anesteziji**.

Nakon dobijanja potrebnih saglasnosti roditelj/staratelj pacijenta se javlja na Stomatološki fakultet sa klinikama, glavnoj stomatološkoj sestri Stomatološkog fakulteta, gdje se zakazuje termin za stomatološku intervenciju u opštoj anesteziji.

Ukoliko se pacijent neposredno prije obavljanja intervencije razboli (prehlada, temperatura) intervencija u opštoj anesteziji se ne može izvesti, pa se mole roditelji/staratelji da obavezno na vrijeme otkazu intervenciju, kako bi u tom terminu moglo biti obavljeno zbrinjavanje drugog djeteta.

Pacijent ne smije da jede i pije prije intervencije u opštoj anesteziji najmanje 12 sati.

Ne smije da uzima lijekove osim po dogovoru sa anesteziologom.

NA DAN INTERVENCIJE:

Pacijent ne smije ništa da jede, niti pije, niti da uzima bilo kakve lijekove. Ukoliko pacijent uzima neku terapiju **neophodno je** konsultovati se sa anesteziologom o njenom uzimanju na dan operacije.

Sa svakim pacijentom mora doći zdrav punoljetan pratilac, koji će biti upoznat sa detaljima o postanestetičkom ponašanju pacijenta. Neposredno prije dolaska na kliniku potrebno isprazniti mokraćni mjehur, izvaditi zubne proteze, skinuti sočiva i ostala pomagala, odložiti sat ili nakit, skinuti lak za nokte.

NAKON INTERVENCIJE:

U dnevnoj bolnici pacijent ostaje najmanje dva sata, prema potrebi duže. Osoba operisana u opštoj anesteziji ne smije da jede ni da pije najmanje 2 sata poslije buđenja iz anestezije. Ishranu uvoditi postepeno sa mekanijom hranom i tekućinom koju će pacijent uzimati gutljaj po gutljaj. Naredna 24 sata ne ostavljati dijete/pacijenta bez nadzora.

Potpisom potvrđujem da sam upoznat sam sa sadržajem uputstva (preoperativne i postoperativne upute) i da sam postupio po preporukama, svestan da nepoštovanje istih može ugroziti život djeteta/štićenika

Potpis pacijenta ili roditelja/staratelja

JMB _____

Sarajevo; _____